





g

Bericht von der Han-  
lung zu Schürmegg / zwischen den  
Condischen vnd Numalischen  
fürgangen / auff Frentag  
nach Martini.



M. D. LXVIII.

G. R.

8

EX LIBRIS

UNIVERSITÄT SACHSEN-ANHALT

MAG. DR. THEODOR SCHUBERT

PROFESSOR DER THEOLOGIE

UND BIBELERLEUTERUNG

IN HALLE

1874

VERMÄCHTNISS

DES HERRN

DR. THEODOR SCHUBERT

PROFESSOR DER THEOLOGIE

UND BIBELERLEUTERUNG

IN HALLE

1874

VERMÄCHTNISS

DES HERRN

DR. THEODOR SCHUBERT

PROFESSOR DER THEOLOGIE

UND BIBELERLEUTERUNG

IN HALLE

1874

M. D. LXVIII



# Bericht von der Han- lung zu Schürmegg / zwischen den Condischen vnd Anmalischen fürgangen / auff Freytag nach Martini.

**A**ls in der wochen Luce Euangelisten/etlich hundert wel-  
scher Hacken schützen/so in der Graffschafft Mämpels-  
gart/vnnd vmb Basel sich gesamlet/zu Schiff in das  
Elßaß kommen / Als theils zu Ninaw / das annder theil zu  
Straßburg außgestanden/sich vernemen lassen/sie seien der  
Religion halben vertryben/Leut / vnd müssen gelegenheit ero-  
warten/wie inen etwo wider geholffen werde möcht/begerten  
nyemandes schaden zu thun/Vnd iren Weg doch nit sambt  
hafft sonder jez 200. vnd dann etwann 300. vngesährlich/auch  
in weniger anjal durch das lande/ vber die Saberner steig ge-  
nommen / Seind sie in einem dorff/auff ein halbe meyl von  
Kauffmansarbrug Hef genand zusamen kommen/da dann  
ein Kloster vnd Probstei lige/die sie als bald geplündert / die  
Kirchen verwüst/Bilder zerschlagen/Ornata/ kleineter vnd  
Kirchen gezierd geraubt/vnd hin vnnd wider verkaufft auch  
soust bey den Armen Leuten vbel gehauet.

Gleicher gestalt haben sie bald hernacher im Kloster

A ij Ho

Hohenforst auch gehen / vnd dann in die Probstei zu Quirin  
dahin sie mit ganzer macht gezogen / Vnd als der Probst  
daselbst seine sachen in ein Fass pacht gehabt / darmit darvon  
gewolt / haben sie die Fass ereyht / vnd was sie darinnen gefun-  
den / außgebeütet / aber der Probst auff das Schloß Tach-  
spurg entrunnen / Also seind sie zu S. Quirin im Flecken vñ  
Kloster / auff vngesehrlich 1400. oder 1500. starck etlich tag  
gelegen / sich mit Wägen umbschantz / Auch sich etwan her-  
ausgethon / vnd in den vmbliegenden Dörffern Beütten ge-  
holt / vnd sich vernemen lassen / sie müßte nach dem Stiffthaus  
vnd andere Klöster auch haimsuchen / In dem ist das geschrey  
kommen / das der Herzog von Numala / so mit Königlichem  
Französischem Kriegsvolck / vmb Verdun vnd Metz auff  
8000. starck gezogen / auffbreche / vnd auff Sarprug zuziehe /  
welche Statt zwo meyl von S. Quirin licht / wie dann auch  
beschehen / Vnd der Herzog von Numala / sich mit seinem  
Volck biß gen Huttungen gethon / da seind auff zinstag vor  
S. Martins tag / die Condischen zu S. Quirin auffbroch-  
en vnd vber ein hohes gebürg denselben Abent / zwischen sibem  
vnd acht vhren inn das Preisthal gefallen / erstlich zu vrmach  
ankommen / vnd daselbst vber nacht blieben. Als aber solcher  
ankunfft / halber / das Arminthal Volck vbel erschrocken /  
allenthalben Sturm geschlagen / vnd doch nit hand angelegt /  
sonder mehrthails außgerissen / vnd die Heüser lehr stehen  
lassen / Ist solche handlung in der nacht durch die Amptleut  
an die Oberkeit vernemend / nemblichen den Herren Bischof-  
fen zu Straßburg gen Elßazabern gelangt / da auch als balde  
seiner Gnaden Hoffmaister mit 15. Pferden dahin verordnet  
worden

worden/welcher zu fruer Tag zeit bey Brmach ankommenn/  
vnd mit solchem Kriek omgsvolcks/ als die eben auff weg  
gewesen/den Stiffte Hasla zu Oberfallen sprach Gehalten/  
Vnd nach dem der Herz von Hassenwillen bey inen gewesen/  
hat er gemeltem Hoffmaister angezeigt / Sie seien Leute / die  
von dem jren vertrieben/ Haus vnd Hoff verlassen müssen/  
Erwarten der schwarzen Reutter / wo die zu ihnen kommen/  
werde es vie' icht ein andere gestalt mit inen bekommen/  
vnd sie wöllen niemands schaden thun/so viel mäglich/begern  
allein/das inen vier wägen mit Wein/vnd 5000. Pfündiger  
Brott mit gethailt werden/so wöllen sie es omb Gottes wil-  
len annemen/vnd gleich denn andern Tag wider daruon zie-  
hen /wo man inenaber die Prosiand abgeschlagen wurde hette  
man selbst zugedencken/ sie müsten dannoch sehen/ wie sie ihr  
Leben erhielten/ec. Demnach ist die verordnung beschehen/  
das ihnen den folgenden S. Martins tag /von Wein vnd  
Brot etliche Prosiand zukommen/ Mierl wein haben sie sich  
bas hinauff ins thal bis in den Flecken Schürmegg/vnd darr  
auch ober die Preisch hinüber /in die Salmisch herschaffet ges-  
legerdt die Kirch zu Schürmegg geplündert vnd verwüst/  
die Creuz allenthalben vnd erwegen hernider gerissen / vnd  
zerschlagen/vnd inder nacht zwey Heuser zu Schürmegg/da  
für doch der Herz von Hassenwillen etlich gelt gebē Abgebrant  
vnd sonst wie Kriegsleut/ mit auffbrechen der Kästen vnd  
Kisten/bey den Armen vnderthanen vbel gehauset. Inn dem  
allem/hat der Herzog von Rumaln/ 1500. Hackenschützen/  
auff S. Quirin zu/vnd von dannen in das Preischthal ver-  
dornet / Welche auff S. Martins tag zu Abend omb ach  
vhren/

Shren in der nacht/inn das Thal gen ober vnd nyder Hasla  
ankommen/daselbst geblieben bis vmb zway vhr gegen Tag  
da sie aufgewesen/auff Schürmeg zugezogen/die Condische  
zu schlagen. Als aber der Herr vñ Hassenille/damals auch frū  
zu Schürmeg auff gewesen/gen Strasburg Keyten wollen/  
Ist ime auff dem weg im Thal durch seine geferten angezeigt  
worden/Wie das Numalisch Kriegsvolk/bey denen er aller  
nechst gewesen/verhanden seye/derhalben er eylends vmbfirt  
auff Schürmeg zugerendt/lärmel schlagen lassen/vnnd also  
balt mit etliche zu Ros vber das Mülsfelt darvon entrunen.  
Nach dem dann die Numalischen gen Schürmeg kommen/  
Seind die Condischen in der flucht gewesen/denen die Aus  
malischen/durch das gebürg vnnd Thal nach geset/siben  
Fändlein darvon gebracht/vnd irer auff die fünff hundert er  
legt/die hin vnd wider mezer thalls in der Salmischen Obero  
keit/Tode gefunden worden. Es seind auch etliche farnāme  
gefangen worden/darunder Monsior-Lost ein Obrister.  
Also seind etliche durch das Stein/die ander durch das weiler  
thal vnnd sonst hinauß in das Elßaß entlauffen/darunder viel  
geschossen vnnd verwundt gewesen/vnnd damit solch Volk  
alles versagt vnd zerstrewt worden/also das da von nyrgent  
mehr kain nāmliche anzal bey einander. Die Numalischen ab  
ber sein nach volbrachter nach eyl/wider gen Schürmeg kom  
men/vnd von dannen auß zum Herzogen von Numalen gen  
Huttingen gezogen/welcher am dinstag nach Martini das  
selbst wider mit seinem Volk auffbrochen/vnd wie man sagt/  
sein weg auff Metz zunimpt. In das Schloß zu Schürmeg  
hat

Hat kein theyl begerdt / so ist dem Stiffe zu Hasla auch kein  
schad geschehen. Aber die Bawren / sonderlich zu Schürmez /  
seind gar verderbt. Der Allmechtig Gott wolle hie  
fürter sein gnad verleyhen / das wir dergleichen  
handlungen enladen / vnd allent  
halben im Frid leben mös  
gen / Amen.

Gedruckt zu Auaspurg / durch  
Hans Zimmerman.

Faint, illegible text, likely bleed-through from the reverse side of the page.



AB 154 551

ULB Halle 3  
002 373 165



s. 6.





*g*

# Bericht von der Han-

lung zu Schürmegg / zwischen den  
Condischen vnnnd Numalischen  
fürgangen / auff Freytag  
nach Martini.



M. D. LXVIII.

*G. R.*

8